



In sabda ai 22 de Setëmber él gnü sughé la terza partida dl campionat 2012/2013 de 3° categoria por La Val. La partida é gnüda sugada fora de ciassa cuntra la squadra da Gsiesertal, che é ince le medemo avversar de Copa (chësc mercui ai 26.09.2012 indô a Gsies).

Ince sce La Val é ma jüs cun 13 sogadûsc a Gsies ai mustrè na gran grinta... insciö el gnü fora en 0 a 0 cuntra Gsies che é favoríes da jí sö te 2. categoria chësc ann.

An á udü che i sogadusc é stá bugn da tigní düc adüm te campo y trá fora dütes les forzes poscibles. Al fin fin La Val éss ince magari miritè i 3 punç.

Tratan la partida ne él nia stè gran Chancen da gol, sides dla pert de La Val co de Gsies. Gonot al mancè chel ultimo passaggio por menè spo te porta i atacanc. La partida é scialdi gnüda sogada a mez al campo. A mesa le prüm tēmp sön en angolo, röia la pala bel avisa fora dl area dl Gsies, Freddy se porta sön le pal y fesc en bel tiro, ma sciode che al röia bel avisa ados a en defensur, le tiro éss albü na buna traietoria por portè La Val in vantaje. Ince Micky y Florian röia deplü iadi ala conclujun, mo i tiri röia dlungia porta ia. Alexander é bun plü gonot da fa da spona a Florian de cé y le menè cuntra porta. Le Gsies tl prüm tēmp ne á gnanca gran Chancen. En pêr de puniziuns dal limite röia scialdi te bariera o sura porta fora. Na gran chance ne vëgn nia anuzada dal Gsies ala fin dl prüm tēmp: sön en "malinteso" danter Alex y Palo röia la pala a mesa fora, le atacant röia cuntra Sepl, mo le tiro va dlungia le palo ia.

Le prüm tēmp se stlüsc jö sön le 0 a 0.

Tl secundo tēmp é La Val che süga indô damí co Gsies, Ivan é bun cun en per de bi lanci da fá scattè les fascies sön le fondo. I bí crosc de Micky y David é gonot prigorusc, mo nia assá por le gol. A mesa le scundo tēmp é spo Ivan cun en bel passaggio (a scavalchè la difesa) che porta Micky cuntra porta, al pro en tiro de potēza sö le secundo palo. La pala röia de püch dlungia

ia.

Mo püch dedô é Gsies che á spo la plü gran chance dla partida. Sön en angolo röia la pala te na mischia püch fora dl' area. Al röia adalerch en atacant, cun en gran tiro proel da portè le Gsies in vantaje. Mo por fortuna é Thomas tl dër mumënt sön le dër post. Insciö el bun cun en gran salvataggio da salvè la porta dal gol.

La partida se stlüsc jö sön le 0 a 0. Cun chësc punt davagné se porta La Val al 8° post te tlassifica. Proscima partida é in dumënia ai 29.09.2012 te cíasa cuntra le Mareo (Derby da Rît).

□

La formaziun titolara: Kantioler Sepl, Tavella Thomas, Alton Alex, Vallazza Paolo, Sottara Werner, Frenes Micky, Sottara Freddy, Tschaffert Ivan, Moling David, Miribung Alexander y Rubatscher Florian.

□

Sostituziuns:

Castlunger Marco por Moling David

Miribung Alexander por Steinhauser Elmar

□

Por udëi i atri resultač drüca (ince di atri campionač ulache sogadusc da La Val süga para) drüca: [resultač](#)